

АҚШда болаларга «Муҳаммад» исмини қўйиш оммалашмоқда



15:05 / 09.12.2019 3247

АҚШда «Муҳаммад» исми ўғил болалар учун биринчи мартаба энг машхур ўнталикка кирди. Бу ҳақда **CNN**га таяниб, yenicag.ru сайти хабар беради.

Таъкидланишича, ушбу исм илк бор 2013 йилда ўтказилган сўровномада 100 та энг яхши таркибга киритилган. Шундан бери унинг рейтинги йилдан-йилга ўсиб бормоқда.

Ҳозирда бу ном ўнинчи поғонада жойлашган бўлиб, ўтган йилга нисбатан тўрт поғона юқорилади.

Мутахассисларнинг фикрича, бу ерда мусулмон оилалар биринчи туғилган фарзандларини исмини пайғамбар Муҳаммад соллаллоху алайҳи васалламнинг исмлари билан номлашмоқда.

Ушбу рейтингда олти йил давомида рўйхатни бошқарган энг машҳур исм «Лиам» ўғил болалар исми бўлиб, у «Жексон» номига алмаштирилди. Қизлар учун «София» исми ўн йилдан бери энг оммабоп бўлиб келмоқда.

Аниқланишича, бу йилги рейтинг, 600 мингга яқин ота-оналарнинг сўровномаси асосида тузилган.

Islom.uz портали таҳририяти